

太平寰宇記

第四十三冊

太平軍年記

五十四卷

太平寰宇記卷之一百七十六

四夷五

南蠻一

南蠻總述

昔在虞舜南巡至于蒼梧今桂州也禹貢淮海惟揚

州傳曰北距淮南至海然則南至海裔尙爲九州

焉其後德有衰隆化有遠邇蓋自五嶺以外浸爲

夷俗焉流驩兜于崇山今驩州也

去長安一萬一千三百里周

爲越裳之國秦初得天下謫卒戍五嶺而守之其

後踰嶺攻取陸梁之地命任囂尉之今南越是也

其爲中國也久東自閩越濱海而及瓊振儋崖五
州自此西限海裔其南皆南夷今海中諸國是也
其海南諸國漢時通焉大抵在交趾南及西南居
大海中洲上相去或四五千里遠者乃二三萬里
乘舶舉帆道里不可詳知外國諸書雖言里數亦
非近實其西與諸胡國接漢書云元鼎中遣伏波
將軍路博德開南越置日南郡其徼外諸國自武
帝以來皆獻貢桓帝時大秦天竺皆由此道遣使
貢獻及吳大帝遣宣化從事朱應中郎康泰使諸
國其所經及傳聞則有百數十國因立記傳泊晉

代通中國者蓋渺及宋齊至者有十餘國自梁武
隋煬其至者踰于前代唐已來又踰梁隋至者皆
是重譯而至其牂柯夜郎黔中武陵今爲郡暨縣
雜居中夏爲徼內夷附之篇末

徼外南蠻

黃支

哥羅

林邑

扶南

頓遜

毗騫

于陀利

狼牙修

婆利

盤盤

黃支國

黃支國漢時通焉去合浦日南三萬里俗畧與朱崖相類自武帝已來皆獻見地貢銀硃玉璧琉璃奇石異物大珠圓及二寸而至圓者置之平地終日不停

哥羅國

哥羅國漢時通焉在盤盤東南亦曰哥羅富沙羅云其王姓矢梨婆羅名米矢鉢羅其理城壘石爲之城有樓闕門有禁衛宮室覆之以草國有二十四州而無縣庭列儀仗有燾以孔雀羽飾焉兵器有弓箭刀稍皮甲征伐乘象一隊有象百頭每象有

百人衛之象鞍有鈎欄欄中有四人一人執稍一人執弓矢一人執殳一人執刀賦稅人出銀一銖國無蠶絲麻苧惟有古貝布畜有牛少馬其俗非有官者不得上髮裹頭又嫁娶初問婚惟以檳榔爲禮多者至二百盤成婚之時惟以黃金爲財多者至二百兩女嫁訖從夫姓音樂有琵琶橫笛銅鈸鐵鼓死則焚屍盛以金罌沈之大海自唐天寶初至乾元中竝來朝貢

林邑國

林邑國本秦象郡林邑縣地漢爲象林縣屬日南郡

按日南郡古越裳之國也伏波將軍馬援開境置此縣縱橫六百里在交趾南海行三千里馬援所植二銅柱表漢界處後漢末大亂縣功曹姓區有子曰連殺縣令自號爲王子孫相承吳時通使其後王無嗣外孫范熊代立熊死子逸代立尊官有二其一曰西那婆帝其二曰薩婆帝歌其屬官三等其一曰倫多姓次歌倫致帝次乙地伽蘭外官分爲二百餘部其長官曰弗羅次曰阿倫如牧宰之差書樹葉爲紙施椰葉爲席男女皆橫幅古貝繞腰以下謂之干縵亦曰都漫穿耳以小環爲飾

貴者著革履賤者跣行自林邑竝扶南以南諸國
皆然也其王戴金花冠形如章甫加瓔珞出則乘
象吹螺擊鼓罩古貝繖又以古貝爲幡旗則王者
之飾也不設刑獄有罪則付象蹋殺之又林邑浦
外有不勞山罪人亦逐此山令其自死其大姓號
婆羅門嫁娶必用八月女先求男由貴男而賤女
也同姓還相婚姻人性凶悍果于戰鬪有弓箭刀
槊以竹爲弩樂有琴笛琵琶五絃頗與中國同每
擊鼓以警眾吹蠡以節戎其人深目高鼻髮拳色
黑婦人椎髻四時暄煖無霜雪王死七日而葬有

官者三日庶人一日皆以畱盛尸鼓舞道從舉至
水次焚之收餘骨王則納金罍中沈之于海有官
者以銅沈之于海口庶人以瓦送之于江男女皆
截髮隨喪至水次盡哀而止其寡婦孤居散髮至
老人皆奉釋法文字同于天竺王事尼乾道鑄金
銀人像大十圍至晉武帝太康中又來貢獻成帝
咸康二年范逸死奴文纂立文本曰南西捲音縣
夷帥范稚家奴也常牧牛于山澗得鯉魚二化爲
鐵因以鑄刀刀成文向北呪曰若斫石破文當王
此國因斫石如斷芻藁文心異之范稚常使之商

賈至林邑國遂教林邑國王作宮室及兵車器械

王寵任之後乃讒王諸子各奔餘國王死無嗣遂

脇國人自立爲王乃攻傍國併之有眾四五萬至

穆帝永和三年文率其眾攻陷日南

今郡也

遂據其

地告交州刺史朱蕃

交州今安南府

求以日南北鄙

今郡也

橫山爲界初徼外諸國嘗賫寶物自海路來貿貨

賄而交州刺史日南太守多貪利侵侮十折二三

由是諸國怨憤且林邑少田故貪日南之地攻陷

之文又襲九真

今郡也

害士庶十八九文死子佛立

猶屯日南九真太守灌遂率兵討佛走之遂追至

林邑時五月立表日在表北影在表南九寸一分

自北影之南故開北戶以向日此大較也佛乃請

降其後頻寇日南九德之郡今安南日南郡界殺傷甚多

交州遂致虛弱至佛曾孫文敵立後爲扶南王子

當根純所殺大臣范諸農平其亂而自立爲王死

子陽邁立死子咄復名曰陽邁初其父陽邁母始產夢人以金席藉

之夷人謂金曰陽邁故爲宋文帝元嘉中侵暴日

南九德諸郡宋九德即今安南日南郡縣宋使交州刺史檀和

之振武將軍宗慤討之克林邑陽邁父子竝挺身

奔逃所獲珍異皆是未名之寶又銷其金人得黃

金數十萬斤其後累代自宋齊梁陳皆遣使朝貢
隋文帝旣平陳後遣大將軍劉方步騎萬餘人擊
之其王梵志率其徒乘象而戰方多掘小坑草覆
其上因以兵挑之梵志悉眾而陣方僞北走梵志
逐之其象多陷轉相驚駭軍遂亂方縱兵擊大破
之遂弃城而走方入其都獲其廟主十八枚皆鑄
金爲之蓋其有國十八葉矣方旣平其國班師故
地遂空梵志收合遺人別建國邑至唐貞觀中其
王范頭利死國人共立頭利女爲王諸葛地者頭
利之姑子女王獨任國中不寧大臣何倫翁定乃

立地爲王妻之以女主其國乃定諸葛地自立後
遣使何倫因地盤獻火珠大如雞卵圓白皎潔狀
如水晶日正午時以珠承影取艾依之火見云得
之于羅刹國八年又獻白鸚鵡善于應荅太宗憫
之付其使令放還林藪今之主卽梵志之後在日南郡西陸行二十餘日方
至十四年又獻通天犀十枝及諸寶珍稱是永徽
總章中其王鉢迦舍跋摩累獻馴象開元中其王
建多達磨又貢馴象琥珀沈香天寶八載其王盧
陀羅使獻珍珠一百條沈香二十斤鮮白毳音牒二
十雙自至德後遂改稱環不復以林邑爲國號又

貞元九年十一月遣使來貢犀牛元和四年八月
安南都護張冉奏破環王國執僞驩愛州都統殺
三萬餘人獲其王子五十九人戰械船戰象稱之

四至

其地縱橫可六百里去日南界四百餘里其南水
步道二千餘里有西屠夷亦稱王焉卽馬援所植
兩銅柱表漢界處馬援北還留十餘戶于銅柱處
至隋有三百餘戶悉姓馬土人以爲流寓號曰馬
流人銅柱尋沒馬流人嘗識其處又林邑記云馬
援樹兩銅柱于象林南界與西屠國分漢之南界

是也又云銅柱山周十里形如倚蓋西跨重崖東臨大海屈璆道理記又云林邑大浦口有五銅柱存

土俗物產

其地常溫不識冰雪多霧雨人能用弩以藤爲甲信佛法以二月爲歲首稻一歲再熟有結遼烏解人語也山石皆赤色其中生金金夜卽飛狀如螢火又出瑇瑁貝齒古貝沈香古貝樹名也其華成如鰕音崧毛抽以績紡作布潔白與紵布不殊亦染成五色織爲斑布也沈木者土人破斷之積以歲

年朽爛而心節獨在置水中則沈故曰沈香次不

沈者棧香也又出猩猩獸

爾雅云肉之美者猩猩之脣

多琥珀

松脂淪入地千歲爲茯苓又千歲爲琥珀在地其上及傍不生草木深者或八九尺大如斛削去皮成焉初如桃膠凝成乃堅其金寶物產大抵與交趾同以塼爲城蜃灰塗之居處爲閣名曰干蘭皆開北戶向日或東西無定

扶南國

扶南國在日南郡之南海西大島中國俗本倮文身被髮不製衣裳其先有女人爲王號曰柳葉年少